



Sentru Produsaun Fehuk Midar Kain

Husi : Atanasio Caiero Barreto

Koordenadór Habarak Fini Munisípiu Dili



Abstratu

Fehuk Midar (*Ipomoea batatas*), hanesan mos ai-han prinsipál ba familia, tanba núdar seguransa ai-han no mos hanesan ai-han ne'ebé iha vitamina. Ai-horis/han ida ne'e moris di'ak iha rai ne'ebé la tau adubu ka tau adubu maibé naton deit. Iha Tinan 2014/2015 MAP-SoL distribui fehuk kain besik 800,000 ba agrikultór sira iha teritoriu laran tomak.

Introdusaun

Fehuk Midar (*Ipomea batatas*) hanesan ai-han alternativu ba ema, wainhira ai-han prinsipál hanesan batar no hare la fó produsaun di'ak, menus no laiha liu. Ho importánsia ida ne'e mak MAP-SoL lansa tan variedade foun ho naran, Hohrae 1, Hohrae 2 no Hohrae 3.

Hohrae 1 bele kuda no moris di'ak iha fatin aas ho elevasaun metru 500 ba leten, Hohrae 2 bele kuda no moris di'ak iha kualker fatin hanesan foho lolon no rai tetuk, Hohrae 3 isin mean ho vitamina A barak no bele moris di'ak iha fatin hotu-hotu.

MAP SoL liu husi planu Program Habarak Fini Komunidade no Komersiál konsege estabelese Sentru Produsaun Fehuk Midar Kain ne'ebé habarak husi individu no grupu habarak fini sira. Hamutuk iha Sentru Produsaun 27, ne'ebé lokalizadu iha munisípiu 11 ho total área 28,670 m².

Iha époka kuda tinan 2013-2014, Sentru Produsaun fornese fehuk kain 200 ba kada umakain vulnerável, grupu no individu interesadu. Mekanízmu distribuisaun fehuk midar kain aplika sistema *voucher*, ne'e katak grupu sira wainhira distribui fehuk kain ba benefisiáriu ho folin centavus 1/kain (@kain 25 cm/fukun 5). Orsamentu apoia husi MAP-SoL no sei aloka ba grupu no nia membru sira hanesan sira-nia rendimentu.

Variedade fehuk midar fó produsaun 90-130 aas liu kompara ho variedade lokál no mos bele kolleita lais liu iha fulan 3-4 nia laran, duke fehuk midar lokál fulan han tempu fulan 5-7.




Objetivu

Objetivu estabelese Sentru Produsaun Fehuk Midar Kain iha Munisípiu no Postu Administrativu mak atu loke asesu ba fini musan ho kain ne'ebé fresku no habelar fini foun ba agrikultór sira iha área remotas ne'ebé kbiit laek.




Métodu

- Halo diskusaun ho estensionista hodi estabelese sentru 1 iha postu 1
- Hili área potensiál ne'ebé besik bee
- Identifika grupu ka individu ne'ebé iha interesse atu habarak
- Grupu/individu feto ka mane mak iha interesse atu habarak.



Resultadu

Tabela 1. Produsaun husi Sentru Fehuk Midar



Iha fulan Dezembru tinan 2015, sentru produsaun fehuk midar kain hamutuk 27 ne'ebé estabelesidu, kobre área potensiál ba produsaun 28,670 m². Prontu atu fornece fehuk midar kain variedade oin tolu hanesan Hohrae 1, 2 no 3 ba agrikultór sira iha teritoriu Timor-Leste tomak.

Konkluzau

- Produsaun dóbru kompara ho lokál, di'ak no moris lais
- Reziste ba Peste no Moras
- Nutrisaun di'ak, bele konsume isin no tahan
- Adapta ba rai hotu-hotu
- Sabór Morin no Midar

Referénsia :

Wikipedia, the free encyclopedia, Sweet Potato. Asesu iha loron Segunda 11-01-2016. Óras 5.28 PM OTL

MAP-SoL, Folletu Tékniku Kuda Fehuk Midar ne'ebé di'ak públika iha Dili fulan Marsu 2011.

Seeds of Life, Folletu Seeds of Life Program Timor-Leste públika iha Dili fulan Novembru 2013.

MAP-SoL Programa Habarak Fini Komunidade, Dadus Sentru Produsaun Fehuk Midar atualizadu iha Dezembru 2015.